

2002-12-10
kioskoa

Ekaitz Agirre

Jarrera aldaketak

Galizako kostalde beltzuez irudi go-gorrek erakusten dituzte telebista eta egunkariak. Euskal Herrira ere iritsi da *Prestige* ontziak isuritako fuel-orbana. Arrantzale, ekologista eta beste hainbatek Espainiako eta Galiziako agintariei egindako kritikei, komunikabideak ere batu zaizkie. Kritika orokortua izan da, erabakiak «berandu» hartu zituztela, gertatuaren garrantzia «gutxietsi» egin zutela eta halakoak idatzi dituzte egunkariak. Hartutako neurriek ez dute emaitza onik eman, ez eta aurreikusitakoa ere —agintariak aurreikusitakoa, noski—. Baina pixkanaka-pixkanaka batzuek hasi dira Espainiako Gobernua *zuritu* nahian edo. *La Razón*-ek esaterako, Tosh Moller zientzialari suediarren adierazpenekin zabaldu zuen igandeko alea, mezu argi bat zabaltzeko: «Hotzarekin fuela solidotu egiten da, aste batzuk irauten dituen prozesuan». Horretaz gain, «esperientziak erakusten omen du», hondoratutako ontzietatik ez dela ateratzen fuela. Alegia, egin beharrekoa egin zutela.

Azken egunotan egindako kritikak baretu zituen bestea *El Mundo*: «Aznar eta bere ministroak ohartu dira larritasunaz eta erreakzionatzen hasi dira. Hobe berandu inoiz baino».

Frantziako egunkarietan ere egunetik egunera gai *garrantzitsuagoa* bihurtzen ari da. Hala azaleko albiste nagusiztat zuen atzo *Liberation*-ek. «Madrilgo gobernuak erakutsi inkompetentzia» kritikatu zuen egunkari horrek. Baina, batez ere, itsaso bidezko garraioen sistema eta honen egoera salatu zituen. «Araudietatik kanpo» dabilzala zehaztu eta honakoa proposatu zuen: «Sistema hori da aldatu beharrekoa, itsasontziei zinezko segurtasuna inposatuz».

Egunkaria
euskaldunon 3.729. zenbakia

Ohorezko Lehendakaria: Martin Ugalde

Administratzaio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Igor Sota

Egoitza Nagusia: Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

ORDEZKARITZAK ■ Araba: San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabiz Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pelletier 35,
64100 Baiona Tel.: 559593575 Faxa: 55925711

martintxo



hizpideak

Etorkizunerako estrategia erabaki behar du UEUK

Udako Euskal Unibertsitateak (UEU) bigarren kongresua egingo du larunbatean. *Geroa orain* hausnarketa txostenetik abiatuta (52 zuzenketa proposamen baino gehiago eztabaidatuko dira), euskal unibertsitatea sortzeko bidean erakundeak jokatu behar duen papera zehaztuko dute 180 UEUKidek; zeregin horretan «lider papera» bereganatu nahi du erakundeak. 'Euskal unibertsitatea' kontzeptuaren inguruko eztabaidak markatuko du kongresua. Hausnarketa horretatik ateratzen diren ondorioek baldintzatuko dute UEUren etorkizuna eta lan ildoak.



Udako Euskal Unibertsitatean iaz emandako ikastaroetako bat.

Esnearen eta haragiaren sektore plana aurkeztu da

Azkenik nekazaritza sektoreak mahai gainean dauka esne eta behi ustiapenezako sektore plana. Plan horren beharra nekazarien aldarrikapenetako bat izan da aspaldian, hala esne nola haragitarako. Egitasmo berria egun sektoreak bizi dituen gabeziak konpontzeko helburuarekin jaio da eta horretarako 20 milioi euro bideratuko ditu Gasteizko gobernuak, 9na milioi euro Gipuzkoako eta Bizkaiko aldundiek eta 2 milioi euro, azkenik, Arabakoak. Samaniegot atzo Arabako Aldundiaren jarrera kritikatu zuen inbertitutako diru kopurua «urria» delako. Planaren helburua garbia izanik, orain ikusi beharko da sektorearen behar eta nahiak asetzeko balio duen.

'Prestige', hondoratutako arriskua

Hondoratuta dago *Prestige*. Ia 4.000 metrora dago, itsaso azpian. Nolanahi ere, ikusten ez bada ere, oso arriskutsua da oraindik. Zenbait adituren aburuz 55.000 tona erregai ditu oraindik sabelean, eta irteten badira marea beltz handiak eragin ditzakete, ikaragarriak. Petroliontzi hondoratuarekin zer jazo daitekeen jakiteko batzorde zientifikoa izendatu du Espainiako Gobernuak. Erabaki zuzena dirudi. Baina berantiarra da. Oso. Izan ere, Espainiako agintariak orain arte arazoa hondoratzeko ahaleginetan jardun dutela dirudi. Itolarria eragin arte.

Hainbat boluntario lanean, Muskizko hondartzan.



Igor Elortza, hirugarrenez Bizkaiko txapelaren jabe

Aspaldidanik gertuko adiskide diren bi bertsolari sailkatu ziren Bizkaiko Bertsolari Txapelketako finaleko azken txanpara: Igor Elortza eta Unai Iturriaga. Bina txapel irabaziak ziren lehendik durangarrak, eta azken urteetako txapeldunak eraman zuen txapel berria ere: Igor Elortzak. Baina izan zuten aurkari gogorrik ere Elortzak eta Iturriagak saioan, Fredi Paia ezustea eman eta azken txanpara sailkatzeko puntuan izan baitzen; kartzelako lana txukunxeago egitea baino ez zitzaion falta izan. Goraino beteta, Euskalduna jauregia lehia eder horren lekuko izan zen joan den igandean, eta Bizkaiko bertsolaritza bizitzen ari den une ona agerian geratu zen berriro.